

Concello de San Sadurniño

Expediente núm.: 946/2023

RESOLUCIÓN DE ALCALDÍA

Á vista da solicitude realizada pola entidade deportiva “Club Deportivo Aldebarán”, con CIF G15412802 e número de rexistro de entrada 2023-E-RE-1087 de 11 de decembro de 2023,

Visto que o Anexo de Subvencións nominativas que acompaña ao Orzamento 2024 inclúe unha previsión de subvención de 30.000,00€ para a entidade solicitante, consignados na partida 3410.48000,

Examinada a documentación presentada, vista a Ordenanza Xeral de Subvencións do Concello de San Sadurniño e de conformidade co artigo 21.1 f) e s) da Lei 7/1985, de 2 abril, Reguladora das Bases de Réxime Local,

RESOLVO

PRIMEIRO. Outorgar unha subvención directa nominativa con cargo á aplicación 3410.48000 do orzamento de gastos da Corporación para 2024 ao beneficiario “CLUB DEPORTIVO ALDEBARÁN” pola cantidade de 30.000,00€

SEGUNDO. Formalizar a subvención no correspondente convenio, no que se detallen as obrigas e compromisos do concesionario para aplicar a subvención e xustificala, coas previsións que se sinalan como anexo á presente resolución, que terá carácter de bases reguladoras da mesma.

TERCEIRO. Notificar aos interesados o outorgamento da concesión da subvención, comunicando que o prazo para que se presente a documentación xustificativa da subvención finaliza o 30 de novembro de 2024, puidendo solicitarse prórroga de ata un mes máis.

CUARTO. Fornecer a información sobre a concesión á Base de Datos Nacional de Subvencións.

En San Sadurniño, a data de sinatura electrónica

O alcalde,

Ante min

A Secretaria,

Secundino García Casal

Olalla Alvarez de Neyra Martínez



Concello de San Sadurni

ANEXO – BASES REGULADORAS DA SUBVENCION

PRIMEIRA.- A presente subvención nominativa ten por obxecto establecer as bases de colaboración entre o Concello de San Sadurni e o Club Deportivo Aldebarán.

SEGUNDA.- Para o seguimento da subvención e dous seus fins poderá crearse unha Comisión Mixta de Seguimento, de carácter paritario, na que estarán representados, por parte do Concello de San Sadurni o Alcalde ou concelleiro ou concelleira en quen delegue, e por parte da entidade beneficiaria, a persoa que ocupe a súa presidencia.

As funcións desta comisión concretaranse en:

- Facer un seguimento do cumprimento do indicado nas cláusulas da subvención.
- Revisar os acordos actuais e dar o visto e prace ás adendas que puidesen sumarse á subvención.
- Representar os intereses do Concello de San Sadurni e da entidade beneficiaria relativos ao contido desta subvención ante as institucións públicas ou privadas coas que sexa preciso relacionarse para a consecución dos obxectivos.
- Formular cantas propostas sexan necesarias para enriquecer e mellorar o obxecto da subvención.

TERCEIRA.- O Concello de San Sadurni comprométese a:

- Compensar economicamente ao Club Deportivo Aldebarán polo importe dos gastos anuais ocasionados polas actividades e compromisos adquiridos polo Concello no presente convenio para o desenvolvemento e control da escola municipal de voleibol.
- Permitir ao Club Deportivo Aldebarán o acceso de maneira gratuíta ás instalacións do pavillón polideportivo municipal.
- Asemade, permitiráselle á asociación o uso do material deportivo existente e dos vestiarios.

CUARTA.- Á vista de que este Concello ten entre os seus obxectivos “a promoción do deporte en idade escolar” e a “creación hábitos de vida máis saudables”, favorecendo así a autonomía e benestar dos cidadáns así como fomentando o deporte en idade escolar a todas aquelas actividades que, de forma organizada celébranse fóra do programa da materia de Educación Física nas que participan deportistas en idade escolar.

Para dar resposta a esta necesidade é preciso subvencionar a actividade do Club Deportivo Aldebarán como medio de consecución dos obxectivos indicados en colaboración coa promoción privada, toda vez que o Concello de San Sadurni carece de medios persoais e materiais suficientes para unha actuación equivalente.

QUINTA.- As actividades a desenvolver pola entidade beneficiaria son:

- O Club Deportivo Aldebarán obrígase á colaboración co Concello de San Sadurni para a dirección técnica, organización e desenvolvemento anual da escola deportiva municipal de voleibol, que se levará a cabo durante 9 meses ao ano e na cal se acollerá a todas as persoas



Concello de San Sadurniño

usuarias que cumplan os requisitos que se establecen para a inscrición na mesma, sen que en ningún caso, poidan comportar discriminación por razón de idade, sexo, condición física ou outras circunstancias sociais.

- Xestionar internamente a escola municipal de voleibol e a compartir toda a información requirida pola área de deportes do Concello para o seu correcto desenvolvemento.
- Colaborar co Concello na organización e realización de xornadas deportivas organizadas pola área municipal de Deportes para a promoción de actividades deportivas dentro do municipio. Dita colaboración traducirase na coordinación técnica, apoio ao persoal do Concello, e calquera outros traballos que requiran a organización destes eventos.
- Nomear una persoa responsable do programa de actividades e seguimento da subvención, que actuará como interlocutora válida cos servizos técnicos municipais.
- Asistir a cantas reunión sexan convocadas pola área municipal de Deportes e facilitar todo tipo de información relativa á súa actividade que lle sexa requirida polo Concello.

SEXTA.- A execución das actividades deberá realizarse ao longo do exercicio 2024, sendo subvencionables os gastos correntes relativos ao obxecto da subvención que de maneira indubitada respondan a natureza da actividade mencionada e sexan efectuados e aboados dentro do ano natural.

O outorgamento dos contratos de servizos, asistencia ou subministros necesarios para a execución da actividade corresponderalle á entidade beneficiaria. Non se poderá contratar a realización de prestacións con persoas ou entidades vinculadas á entidade beneficiaria, nin con calquera outra na que conorra algunha das circunstancias ás que se refire o artigo 29.7 da Lei 38/2003, de 17 de novembro, xeral de subvencións.

Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia de data de pago e da identidade do receptor.

SÉTIMA.- As obrigas da entidade beneficiaria serán as establecidas no artigo 11 da Lei 9/2007, de 13 de xuño, de Subvencións de Galicia, e nomeadamente as seguintes:

- Desenvolver a actividade subvencionable durante o ano 2024.
- Dar publicidade do financiamento deste Concello en calquera medio escrito, radiofónico, audiovisual ou de internet en que se publiciten as actividades da entidade, mediante a inserción da imaxe visual do Concello (imago tipo e logotipo) en toda a cartelaría, folletos e publicidade en xeral que sexan editados con ocasión do desenvolvemento de actos deportivos (Regulamento de imaxe visual corporativa do Concello, publicado no BOP nº 99 do 27/05/2013)
- A entidade fará uso tamén do logotipo do proxecto de Xeoparque do Cabo Ortegal, do que o Concello de San Sadurniño é entidade promotora, no material divulgativo que edite, toda vez que o mesmo pode ser beneficioso directa e indirectamente para a Asociación.
- Cumplir cos compromisos sobre uso da lingua galega e promoción da igualdade e a inclusión; en concreto, nas súas comunicacións e publicidade a entidade beneficiaria comprométese ao uso da lingua galega, á utilización da linguaxe inclusiva non sexista e a empregar imaxes que promovan os valores da inclusión e da igualdade.



Concello de San Sadurniño

- A entidade beneficiaria comprométese a sumarse ás campañas desenvolvidas por parte do Concello de San Sadurniño en relación á promoción da igualdade e prevención da violencia de xénero.

OITAVA.- A subvención do Concello de San Sadurniño é compatible coa percepción doutras subvencións ou axudas públicas ou privadas, que a entidade beneficiaria obteña para a mesma finalidade, sempre que o seu importe, conxuntamente co da subvención municipal, non supere en ningún caso o importe total do gasto efectivamente xustificado.

A xustificación dun importe inferior determinará a redución proporcional da achega municipal.

NOVENA.- O importe da subvención aboarase con cargo aos créditos que figuran no orzamento de gastos, aplicación orzamentaria 3410.48000, destinados a tal fin, e o pago será prepagable trala sinatura do convenio.

Para a xustificación do convenio o club deportivo Aldebarán deberá de presentar a seguinte documentación xustificativa por medios telemáticos:

- Memoria declarativa das actividades realizadas financiadas coa subvención con desglose de gastos e o seu custo
- Relación de facturas ou documentos de igual valor probatorio no tráfico mercantil dos gastos realizados xunto cos orixinais ou copias cotexadas das mesmas e os xustificantes de pago dos mesmos (poderán achegarse copias simples, e o Concello resérvase a posibilidade de solicitar a exhibición dos orixinais)
- Certificación ou declaración de terse realizado o obxecto da subvención
- Memoria explicativa da actividade xunto con xustificación documental onde conste o cumprimento das obrigas da cláusula Quinta(recortes de prensa, programas de man, fotografías...)
- Relación detallada e certificación das cantidades obtidas por subvención ou axuda de outras entidades
- Acreditación do cumprimento das obrigas tributarias e coa Seguridade Social, certificada cunha antigüidade máxima de 10 días respecto da data de presentación da conta xustificativa

As memorias declarativa e explicativa poderán presentarse nun só documento segundo modelo normalizado.

DÉCIMA.- O incumprimento dalgunha das cláusulas previstas no presente convenio de colaboración poderá levar aparelhada a obriga de reintegro parcial ou total dos fondos recibidos, así como o pago dos xuros de demora que se xeren o día no que se realizou o pagamento ata o momento no que se acorde a procedencia do reintegro.

DÉCIMO PRIMEIRA.- O réxime xurídico aplicable será o establecido nesta resolución, na Ordenanza Xeral de subvencións, na Lei 9/2007, de 13 de xuño, de subvencións de Galicia, no Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia, así como na Lei 38/2003, de 17 de novembro, Xeneral de Subvencións e



na súa normativa de desenvolvemento.

